



啓禎野乘一集卷十二

梁溪鄒

漪流綺甫集

李忠文傳

公名邦華字懋明江西吉水人中萬曆三十一年進士授知涇縣四十年擢御史巡按浙江有風節時甘陵南北部之隙已啓羣小爭攻東林西北諸正人既心忌公爲鄒忠介弟公又別白邪正不少假借遂倡流言曰公與周起元輩五人爲五鬼旣而德清秉政逐東林西北無虛日或勸公少委蛇其間公對曰寧





啓神野乘  
爲偏枯之學。開莫作反覆之小人。時論益忌公。四十五年出爲山東叅政。不赴。天啓元年。卽家起。光祿少卿。屢以病請。二年。陞僉都御史。巡撫天津。三年。陞兵部右侍郎。四年。復稱病歸。時魏忠賢燔熾督輔。孫承宗請入覲。或言承宗。宜興晉陽之用。公爲內主。忠賢怖。嚴旨勒承宗還鎮。御史倪文煥遂疏論公。東林死黨革職。崇禎元年起工部左侍郎。卽督河道。陞兵部右侍郎。協理戎政。復以病去。二年起南京兵部尚書。丁憂。十六年起南京都察院都御史。再疏堅辭。聞京

城困。辭家日。爲文告先臨淮王。矢以身殉。政左都御史。旣蒞任。申明憲約。榜絕。魏遺疏。薦成勇。葉廷秀。清風亮節。可當大用。是時寇陷武昌。駸及江左。公上保東南策。謂長江衣帶。非僅僅守九江。守安慶。可恃無恐。今宜增兵。以扼險。江撫駐九江。贛撫駐吉安。以壯虎豹。當關之勢。往來策應。責在監司。上嘉納之。十七年。賊勢急。公率御史申嚴。保甲力爲防禦。時上日一召對。公密奏。請皇上固守社稷。守死勿去。效仁廟故事。命皇太子撫軍舊京。又密疏。請二王分封江南。以



壯東南之勢。上心動。俄而中允李明睿議南遷。給事  
光時亨劾之。朝議大開。遂併侵監國分封之議。而大  
事去矣。三月十五日。賊已逼京師。公趨閣中。奏請發  
帑。召集朝紳鄉衮居民。不問大小老弱。悉令城守。親  
冒矢石以固吾圉。乃首相魏藻德尚作退食。變龍態  
候久不出。出而僅曰。事未必至此。老先生且姑待公  
爾。時聲色俱厲。痛哭流涕。以道卒不悟也。十八日。勢  
益困。賊攻城甚急。無兵無餉。羸卒守埤。中官爲政。奸  
細滿城。公言。旣不得行。復躬率諸御史上城。巡視諸

璫。矢石拒之。不許入。公道遇太常卿吳麟徵。捽于墀。  
涕誓死國難。十九日。聞上變。公南向痛哭。携冊印冠  
帶入告。安會同館對文丞相再拜。矢志題絕命詩。有  
云。人生自古誰無死。留取丹心照汗青。今日騎箕天  
上去。兒孫百代仰芳名。又自贊云。堂堂丈夫聖賢爲。  
徒忠孝大節。矢死靡渝。遭國不造。空負名謨。臨危授  
命。庶無媿吾君恩。莫報鑒此痴愚。題畢。遂自縊。死。屍  
五日。後乃得殮。云公性介特。寡言笑。不尚華侈。舉止  
嚴重。居官四十餘年。重名節。勵廉隅。蕭然寒素。雖位



望崇隆○爲海內山斗○退然不勝○至值事變○臨利害○屹  
然如山○不可搖奪○南都贈公吏部尚書謚忠文祀旌  
忠祠

論曰○忠文公固理學經濟忠節兼全之名臣也○虞山  
先生嘗爲予言○忠文三筦戎政○大有建白○惜不得伸  
其志○迨賊逼京師○欲奉太子南渡○朝議紛紜○卒至莫  
救○忠言不用○而以死繼之○所謂竭其股肱之力○而加  
之○忠貞者也○公請皇儲撫軍○俟旨之夜○作詩有云○五  
龍○候○日○影○一○馬○聽○江○聲○及請二王分封○亦有詩云○剪

柎天○子○貴○畫○策○老○臣○才○慷慨悲涼○聲淚迸○嗚○彼○時○亨  
固罪不容于死○若通州相○又可勝寸磔哉



許忠節傳

公名直字若魯直隸如臯人中崇禎七年進士初令  
義烏丁母憂服闋補惠來縣擢吏部文選司主事遷  
考功員外郎公性端介自爲令時砥操若冰雪至是  
益織塵不滓尤加意善類多方甄引甲申三月賊逼  
京城公約同官出金饗士爲死守計及城破賊令報  
名公曰身可殺志不可奪堅不往時有傳先帝南  
幸者公一望喟然流涕曰當此四面兵戈駕將焉往  
國亂不匡君危無濟惟有一死而已已而知駕崩一



慟○幾○絕○客○以○七○旬○老○父○為○解○公○曰○今○日○不○死○復○何○面○  
目○趨○庭○耶○即○草○家○報○奉○父○書○中○首○述○忠○孝○之○訓○次○及○  
葬○母○教○子○無○他○語○旋○整○冠○北○面○拜○已○復○南○面○拜○賦○絕○  
命○詩○六○章○云○率○士○皆○臣○自○聖○明○狂○氛○何○事○敢○縱○橫○驅○  
馳○安○得○赴○桓○力○一○斬○元○兇○盡○洗○兵○貫○盈○臣○罪○豈○容○誅○  
屠○戮○腥○聞○駭○毒○癘○罄○竹○南○山○書○不○盡○任○將○寸○磔○有○餘○  
辜○君○國○深○仇○慘○古○今○么○麼○逆○豎○偏○相○侵○微○軀○自○恨○無○  
兵○柄○殺○賊○惟○殷○報○主○心○在○天○靈○爽○念○高○皇○開○闢○當○年○  
垂○裕○長○願○待○吾○皇○邁○謁○帝○祈○哀○仍○使○國○威○揚○一○死○酬○

君○見○血○誠○滿○腔○忠○憤○痛○難○平○大○仇○未○復○身○先○殞○漫○化○  
啼○鶯○灑○淚○盈○擲○筆○翻○然○辭○世○行○老○親○幼○子○隔○幽○明○丹○  
心○未○雪○生○前○恨○青○簡○空○留○死○後○聲○書○畢○入○內○室○取○麻○  
練○自○經○死○越○旦○啓○扉○公○一○手○持○練○尾○一○手○上○握○神○明○  
如○土○客○為○稱○貸○以○歛○之○蓋○公○秉○銓○政○時○庭○空○若○水○死○  
之○日○案○間○惟○留○圖○書○數○卷○無○長○物○也○乙○酉○贈○公○太○僕○  
寺○卿○謚○忠○節○祀○旌○忠○祠○

論○曰○岳○武○穆○言○文○臣○不○愛○錢○武○臣○不○惜○死○則○天○下○太○  
平○予○謂○惜○死○之○心○正○繇○於○愛○錢○耳○世○豈○有○賄○賂○盈○庭○



苞○苴○塞○路○日○坐○銅○山○金○穴○中○牙○籌○握○算○而○能○于○刀○鋸○  
鼎○鑊○時○懸○崖○撒○手○者○乎○然○則○公○之○抗○節○不○待○遇○難○時○  
也○於○其○爲○令○秉○銓○一○塵○不○染○知○之○矣○

馬文忠傳

公○名○世○奇○字○君○常○號○素○修○南○直○無○錫○人○也○祖○桂○林○守○  
濂○父○學○博○希○尹○皆○以○廉○謹○名○公○生○穎○異○少○卽○與○弟○孝○  
廉○世○名○攻○苦○下○帷○有○平○原○二○龍○之○譽○十○六○爲○諸○生○三○  
試○皆○第○一○嗣○後○郡○邑○廉○訪○巡○方○使○者○試○無○不○冠○軍○精○  
制○舉○莠○所○評○定○推○一○時○冰○鑑○每○科○牘○房○書○澹○寧○居○選○  
出○人○人○奉○爲○金○科○玉○條○遐○方○僻○壤○不○脛○而○走○至○存○疑○  
公○爲○先○達○古○人○者○然○困○棘○闢○久○辛○酉○始○以○恩○選○第○一○  
對○大○廷○甲○子○舉○賢○書○服○飾○舉○止○猶○然○貧○書○生○也○辛○未○

成進士。改庶常。時義興居首揆。自其爲諸生素願附  
公壇坫。至是以得脩公出門墻爲幸。每傾心于公。公  
引大義明國體。推引同志。愛惜人才。非公事不以告  
烈皇帝。勤政宵衣。三日一視朝。漏鼓四下。輒出御殿。  
廷臣至多。後期公獨最先。每闕門未闕。輔臣未至。燈  
火熒然相對者。公與劉文正公而已。累進官銜。丁丑  
分較禮闈。所得吳适倪長珩等。皆知名士。戊寅。上  
念二祖列宗。本支繁衍。而頻年用兵。百姓勞苦。欲與  
民休息。乃命詞臣分諭諸藩。務體天子體恤。元元之

意。公得山東湖廣江西諸藩。府計行二萬里。所宣諭  
凡二十五。諸藩賜予甚厚。公却金凡數千。已卯。主考  
江右榜。發一省歎服。解元劉君渤。素稱西江僑胥。且  
丁卯。倪文正公所嘗擬第一也。尋丁父艱。戴星奔歸。  
喪滿再入。公念母氏桑榆風燭。不忍遠離。既而寇警  
日逼。公曰。主憂臣辱。吾敢偃息在床乎。遂決計北行。  
宜興之再召也。公方居家。祖道時。極言東南民力已  
竭。當亟蠲逋賦。使獲有寧宇。故宜興入告。遂奉俞旨。  
及公入都。宜興已去位矣。既而復逮入。賜自裁。門生



故吏所稱入幕借潤者恐餘波相及爭避匿去公獨  
經紀其後事不少退縮癸未分校武闈是冬闈賊入  
秦晉獻賊破楚蜀內外帑一空然廷臣持文法朋黨  
賄賂益甚上不時召對公言用兵以人心爲本人  
心樂爲之用雖寡亦強人不樂用雖衆亦弱今闈獻  
並負滔天之逆而治獻易治闈難蓋獻人所畏闈人  
所附非附闈也苦兵也目前勝着須從收拾人心始  
收拾人心須從督撫鎮將約束部伍令兵不虐民民  
不苦兵始至人心轉賊勢孤而後相機操縱勦撫並  
行獻闈皆游釜魚矣又言今日泄泄諛諛各持兩可  
之謀未定一成之畫寧可斷送封疆不肯破除門戶  
卽如楚寇一事人心作何收拾左帥作何安頓眼前  
督撫畢竟做得做不得通盤勝算止爭一着其可再  
誤乎對入未省甲申正月闈報益警計部議各官助  
銅助餉助糴公慷慨銷杯觥質袍帶應之三月賊入  
畿輔上日召對百官大僚但稱待罪庶官默然而  
已公歸邸卸袍帶輒淚下曰事不可爲矣吾一死報  
國耳旣而賊至城下十八日丙午兩道無行人十九



日丁未城破。上已崩煤山。民間未知也。共傳已南。幸公起沐浴。蕭衣冠。捧所署司經局印。北而望闕。再拜起。持印授僕曰。上果南。幸速持此。問赴行在。復南向遙拜。太夫人曰。兒從此不得長依膝下。柰何。因泣下。舉家皆哭。時公侍姬朱與李亦哭。公急止之曰。無亂人意。忽緋衣賊二人。露刃馳入。左右走匿。公安坐不動。賊復馳去。公與二姬閉一小室中。自經。諸僕排戶入。救之。公及李姬皆復甦。朱遂絕。僕泣以太夫人動。公公曰。不死正恐留此身爲太夫人辱耳。兵部

郎成公德。故公相友善。以慷慨從容義來詢。公答書。吾輩舍一死。更無別法。吾不爲其難。誰爲其難者。天子我成仁取義。故無憾也。勉之。吾輩正不必遜古人耳。乃夜簡書籍。俾僕攜歸。二十日戊申。手書二函。一寄弟孝廉。一付子壬玉。俄有朝士數人。微服相過。中有削髮者。謂公曰。皇上且南。我輩以此故偷生。君詞臣可無死。因涕泣相勸。公曰。吾意久決。公等休矣。于是李姬哭而前曰。妾死。主手當使。主歛妾。妾義不後死。遂立乞紗幌。自經死。公命市棺三。以二殯朱李。指



其一○棺○謂○僕○曰○留○此○殯○我○于○是○衆○始○慙○退○公○呼○諸○僕  
曰○吾○世○受○國○恩○身○居○秘○省○自○辛○未○至○今○十○三○年○矣○今  
見○國○破○君○亡○死○固○吾○分○太○夫○人○年○老○聞○信○必○過○哀○歸  
語○吾○兒○謹○事○太○夫○人○吾○得○正○而○死○死○復○有○二○妾○天○之  
與○我○厚○矣○自○皇○上○未○南○南○中○必○有○新○主○但○天○下○事○未  
知○何○如○耳○言○已○命○僕○出○起○題○壁○曰○馬○世○奇○同○妾○殉○此  
遂○生○自○經○而○逝○其○與○弟○書○曰○吾○幸○全○受○全○歸○毋○親○自  
可○無○憾○且○魂○氣○無○所○不○之○在○天○爲○日○星○在○地○爲○河○嶽  
固○時○時○周○旋○毋○親○之○側○也○江○南○此○時○當○亦○無○乾○淨○土

念○之○憤○絕○與○子○書○謂○京○師○失○守○一○籌○莫○展○真○所○謂○歿  
有○餘○責○不○能○忍○然○者○汝○祖○汝○母○及○汝○兄○弟○耳○忠○孝○二  
字○是○吾○家○風○好○守○之○一○姐○先○死○玉○潤○後○死○女○流○得○之  
尤○稱○殊○節○力○慰○祖○母○勿○以○我○爲○痛○加○餐○以○延○天○年○可  
也○谷○成○玄○升○東○附○覽○玄○升○亦○歿○矣○到○底○與○我○同○心○若  
此○玄○升○一○門○四○人○俱○死○吾○一○室○三○人○庶○可○相○匹○吾○少  
時○嘗○夢○詠○詩○二○句○從○今○別○却○江○南○日○化○作○啼○鶻○帶○血  
歸○此○文○山○語○也○特○與○汝○識○之○而○公○當○選○貢○時○父○學○博  
先○生○亦○夢○配○徐○孺○人○有○忠○臣○不○事○二○君○語○始○終○大○節

蓋天定云。公敦倫常。重行誼。少以文學博先生爲師。與弟孝廉互相切劘。無媿金昆玉友。侄博士瑞以孝廉應試。癸未公當入主分房。慮妨進取。稱母意。固卻博士。遂以是科成進士。自弱冠卽受知顧端文公。題其行稿。有夾輔桑榆之祝。地方有司。人人國士。遇公。矢不與一。居間事獎借。後進東南之彥。多依以成名。及門數千。最器重者龔進士廷祥。王職方永積。黃文學家。舒居家儉樸。澹素布衣蔬食。蒼頭廬兒。終公身無與人鬪爭構訟者。南都贈公禮部右侍郎謚文忠。二婚皆贈孺人。祀旌忠祠。

論曰。甲申殉難諸賢。多倉卒表見。臨危致身。其素稱海內山斗者。范文貞。李忠文。成忠毅。劉文正。數公。然皆以氣節品望。稱不聞雕龍繡虎之譽。雖倪文正。久號文壇南面王。亦在木天以後。未有若公自爲諸生。卽以文章氣節。雄視海內者也。自吾邑有公。九龍若增而高。二泉若增而深。嗚呼。公于邵文莊。高忠憲。顧端文。真百川之有四瀆哉。



王忠烈傳

公諱章字漢臣號芳洲南直武進人也幼食貧性至  
孝○葬父至手自封樹嘗夢陳烈帝與揖且告之曰公  
忠孝人也異時當不徒以功名終辛酉領鄉薦戊辰  
成進士榜前數日公所居里潮輒至者三若盤旋狀  
居民咄咄稱異事庚午令諸暨暨之民不半載領神  
君云適寇弄兵東海鄞當其衝缺善吏臺使者以公  
才爲請於朝將調鄞暨民間之呼號奔走願借寇君  
而鄞命且下鄞人來逆者暨爭逐之公不獲已密遣

鄞人而正告暨曰若等父事子而子字若等猶子也何言去去亦何忍亟雖然其若鄞命何居有頃卒去暨如鄞暨之民德公常山之唯肖像祠焉鄞故劇土廣袤四百一十八里視暨號難治公自下車迄底績凡八年俗喁喁向風蓋公治鄞如治暨而鄞人之德公者亦無異於暨人之德公者最聞稍遷工部主事卒授侍御史巡甘肅蓋特恩也先是巖疆一帶數被兵燹巡方者多規避公曰東西南北惟所命之甫叱馭人關貪墨望風解綬繇嘉峪抵天山悉單騎躬行撫賞番人畏威懷德至焚香獻酪以去如兩河旱率屬步禱不雨乃爲文檄神廟曰御史某奉命西巡未嘗受一錢殘一人至愆雨澤神亟吾身毋殄吾民神血食茲土不克請帝命甦此方民當告天子易爾位絕爾祀檄焚雨如注下人呼爲御史雨故例邊屬較士率用按監自隴以西二十五庠報雋者科一二人或盡榜不得一士自公鑒衡而卵闡捷者六人凡巡未竣而封事百八十上悉關軍國大計至劾內臣殺良冒功糾甘撫剝民侵餉罪藩差授驛陷良尤侃



侃不避權貴。庚辰讀禮歸會。獻賊據上遊。江南騷動。薦紳多挈貲遠遁。公日與當事爲守禦計。或告以急宜避。公毅然曰。城以人存亡。冠帶者先去。爲民望。孰與固此圍乎。設有不測於關祠孔廟。覓殮吾屍可也。未幾警息。服闋。陛見。上稽前績。嘉賚之。甲申賊勢孔亟。因陳保江南策。謂沿江上下。轄諸險隘。宜如邊制。聯絡堡墩州邑巨室。有聞警。潛移者。法無赦。仍沒其貲充餉。又上奠畿輔策。謂遣西夷以分敵勢。撤邊兵以壯神京。調降丁以搗賊巢。因薦惠世揚可大任。惜不果用。都御史李邦華謂公負文武略。題授京營巡視。時二月六日也。旣受事。義不反顧。有南丁者。索家信。公曰。國如此。何有家爲。因援筆立書數字。去。全晉旣殘。關門告急。臣子不復問身家矣。皇上真如堯舜而下。絕無應手之人。柰何無他及語。二十六日。真保破京師。震驚調營兵五萬軍。城外襲城。伯帥之。而公督在城。兵計堞分守。衣不解帶。目不交睫者凡十五晝夜。吁力竭矣。三月十有八日。攻彰義門。公督將士堅壁以守。矢集如雨。弗却也。向明嘩。上崩。軍



無固志公猶手擊二礮傷賊賊少阻頃之勢益急公

顧語同事科臣光時亨曰事至此惟有一死時亨曰

如是死委同士卒死奚異莫若入朝覓帝行在不

獲則死死得所也公許諾時亨遽易服將強公公曰

否否子之造朝者恐同士卒委草莽期烈烈死也若

去爾冠易爾服官不官卒不卒奈何無易便行數武

賊騎掩至叱下馬時亨遽離鞍鞞前立且請降公曰

視兵御史孰予叱賊脅公公不屈賊怒碎公膝墜馬

公坐地大罵賊益怒卒手刃公棄走公僕某素公急

望見公怒目張口一手據地坐以為猶生也亟呼不

應遇害矣一力士負公抵寓與之金返詢姓名不答

辭去賊令死忠者寓毋兵兵者斬賊固多秦人過者

輒曰此故京營御史居停也曾巡甘肅有惠政羅拜

乃去夫人姜氏聞變慟絕乙酉贈公大理寺卿謚忠

烈子祭葬南都浙江毘陵三處建祠廕子之柯錦衣

世襲之柯負文譽與弟之斌並礮斫著節予稱為畏

友云

論曰余聞王公恂恂長者雖擢巍科居要職未嘗以



權勢炫耀鄉里及遇變恍慨傾叱克徒精貫白日又何卓卓也使公早從時亨言易服趨朝可幸不死不免於辱身賤行乃時亨者不死長安而終死金陵西市正公廟祀易名時也人亦何苦不爲忠烈哉

陳恭愍傳

附妾時氏

公諱良謨原名天工號賓日浙江鄞縣人也中崇禎辛未進士父某沒官雲南以貧故不能歸櫬後得第謁選求授大理府司理乃奔喪歸尋拜四川道御史甲申正月夢拜文文山於堂下文山揖之起曰公與余先後人品相同何爲下拜三月十九日城陷仆地昏暈者數四自是水漿不入口其族侄一擊勸無死曰吾志非一日矣時有執友李芳泰在旁公曰吾爲國死義不顧家止此先君窀穸老母侍養嗣繼未定

須一言言不足悉因賦詩云中天懸日月四海所畢  
昭倏爾陰霧昏日月失常道仰觀我明明薄蝕一時  
變書至此忽颺風襲牖曰異哉此風隨續云電風自  
南來光復天心見大夫百執事其誰忘明君媿予沉  
疴久牀第淹數旬背城孰盡瘁巷戰杳無聲如何社  
稷靈懣爾順民形載舟亦覆舟古今同一轍順民卽  
逆民參觀非一日蒼蒼不可問亡國我何存誓守不  
二心一死報君恩末題云爲子爲臣不能兩全慷慨  
從容同歸一死大明監察御史陳良謨書於賊陷北

京之日遂付李收之未幾聞帝崩煤山大慟曰吾所  
以隱忍至此者爲帝在也今已矣吾死晚矣死晚矣  
諸僕羅泣不從痛飲肩戶自縊有新娶妾時氏年十  
七娶甫百有三日端服靚妝侍公同盡諸僕從窓隙  
泣窺之公上立掛藍帕噴血滿地時氏以紅絲帶縊  
於傍急破窓踰入公氣未絕戒弗動時氏彼腕力軟  
不能卽逝我繫之幸盡汝爲我高其懸汝送我終猶  
吾子也諸僕泣曰主人此去定爲正神公曰然吾當  
佑汝遂絕南都贈太僕寺少卿論恭愍時氏贈孺人



同祀旌忠祠

論曰恭愍之死較他人更難上有老親下無血胤而  
又寵愛在傍毫不繫戀真大解脫人至時孺人韶顏  
穉齒玉節霜標茲二人者可謂飛越愛河游行劍樹  
同上天宮者也豈徒血性决烈也哉

金忠節傳

附丹章氏等

公諱鉉字伯玉號在六南直武進人也籍於燕勿穎  
異博古能文年十八舉順天丁卯鄉試第一戊辰聯  
捷釋褐後歸娶授揚州府學教授日進諸生闡明濂  
洛之學燕居言行俱有規格一時英碩多從之遊比  
于胡安定之門尋轉國子監博士庚午陞工部主事  
督理軍器躬自察飭甚慎有加當是時上方銳意  
綜核內臣張彞憲奉敕總理戶工兩部錢糧且建立  
公署通國共駭公特建言請罷蓋唯恐以此開交結

之漸決廉耻之維。非止爲糜費無益計也。疏入不報。未幾。熹憲移檄內開。兩部司屬謁見。合照部堂體制。等語。公憤然曰。不幸而前言驗矣。又疏糾熹憲亢顏。心妄自尊大。以皇上迪簡之臣子。而令其罄折。僂將置自有之堂。屬別行誣妄之儀。去不易之公。強抑刑餘之下。臣委質聖朝。自矢無玷。生殺予奪。惟君父命。決不敢徇。徼熹憲之庭。致罹交結之條。奉旨切責。亡何分稅杭州。未任隨移。疾歸。甫匝月。熹憲以驗放火器。參題奪職。一時正人君子。爲上書白寃。

如禮部周公鏞。刑部曹公荃。并坐降譴。公從此絕仕進。鍵戶讀書。究心物理性命之學。環堵蕭然。不暇風雨而躬爨。以養父母。課諸弟。抵掌今古。怡然甚。有談及輦上貴人者。卽掩耳障面避之。辛巳丁。甲申。服闋。二月起補兵部主事。巡視皇城。甫二。餘日。而寇犯宮闕矣。三月十九早。聞上變。公裂。紙爲賊裏易麻素表。加冠袍束牙牌。趨信地入皇城。門官同守職者。突潰而出。公力挽之。大聲口爾。何去。守門固內。反外。爲多人攘奪之。不顧去。公趨大。



內且見諸宮人狂奔逸出公在御河側解牙牌付家人四拜曰歸送太夫人餘無所言投入御河長班急挽之公怒以手搯長班復躍入而歿母章氏妾王氏弟鏞俱赴井歿是時賊據大內人不得入踰月賊去見冠袍浮水上捭公首無可識認家人以網環驗實持歸配以木身成殮禮南都贈公太僕寺卿謚忠節祀旌忠祠

論曰樞曹一席職係封疆或竄或降不可數計獨公與成忠毅不屈以死豈非其平日卓自豎立不苟阿私粹遇非常激昂蹈義哉故曰爭細娛者不可與圖遠利怯小害者不足與蹈重危如公者前以擊閹後以死賊嗚呼烈矣

申節愍傳

公諱佳胤字井眉號素園北直永年人也天啟辛酉  
舉鄉試成崇禎辛未進士出文太史安之門授儀封  
知縣調繁杞縣一塵不染以清廉第一稱行取吏部  
文選司主事獎人才絕奔競屢上封事銓政肅然歷  
員外郎陞太僕寺寺丞甲申二月奉使近畿賊勢漸  
逼朝臣多藉事引去左右咸勸公曰既在外可以脫  
然公奮袂流涕曰京師兵力空虛脫有不虞安危與  
共之義謂何乃星馳入都時三月十二事也知大事



已○去○以○書○貽○子○涵○光○曰○行○已○曰○義○順○數○曰○命○義○不○可○  
背○命○不○可○違○在○朝○在○野○無○二○道○也○天○下○事○壞○於○貪○生○  
畏○死○死○於○疾○死○於○利○死○於○刑○戮○死○於○房○幃○鬪○爭○均○死○  
也○數○者○寧○死○不○惜○遇○君○父○大○節○縮○首○垂○涕○百○計○求○免○  
此○真○不○善○用○死○矣○吾○受○國○恩○誓○以○死○報○是○時○其○母○太○  
安○人○年○近○七○十○迎○養○京○邸○左○右○以○此○爲○解○曰○吾○業○以○  
身○許○國○勢○難○兩○全○十○八○日○聚○賓○客○爲○幼○子○煜○行○冠○禮○  
曰○昔○人○所○謂○冠○帶○見○先○人○也○因○以○生○平○所○著○詩○文○付○  
之○曰○吾○作○官○無○長○物○半○生○精○力○盡○此○矣○十○九○日○城○破○

左○右○請○易○服○匿○他○所○公○曰○吾○來○此○何○爲○者○入○而○避○何○  
如○避○而○不○入○已○聞○宮○中○變○仰○天○呼○聖○明○者○三○視○兩○僕○  
固○守○不○去○給○之○曰○往○吾○拜○客○時○擇○有○善○地○可○隨○行○至○  
王○公○殿○有○井○泓○然○兩○僕○知○其○意○急○挽○之○斷○袖○躍○入○兩○  
僕○呼○號○垂○縶○救○之○公○在○下○呼○曰○汝○等○歸○慰○太○安○人○君○  
亡○與○亡○有○子○作○忠○臣○莫○過○慟○也○時○年○四○十○有○二○未○幾○  
賊○從○關○東○潰○回○欲○肆○焚○戮○幼○子○煜○挾○太○安○人○奪○門○出○  
童○僕○皆○從○有○備○書○徐○起○鳳○者○從○公○已○十○年○矣○號○泣○請○  
留○曰○我○等○俱○去○柩○誰○與○守○賊○果○焚○民○居○及○寓○徐○跪○曰○



吾主以忠死。願弗焚。賊怒鞭之。徐叩請愈哀。賊感動。率不焚。及北兵至。逐居民外徙。徐懼。適求其同里。得鑄工朱攀桂等二十餘人。昇至天寧寺。故得全。徐之力也。南都詔贈太僕寺少卿。謚節愍。祀旌忠祠。子涵光。高才峻品。與弟煜。並以詩文名世。

論曰。往余遊白門時。素園先生方左遷國博。枉顧旅邸。歡相得也。稔知其少孤。事太安人孝。爲孝廉時。有和丸草。今慷慨赴難。視死如歸。求忠臣必於孝子之門。信夫。吾見神京淪陷。若作宦者。肯遜出都門。便稱高蹈若先生。及從外入。與城存亡。素志已定。非若臨事無可如何。只得一死者比也。特太君高年。或先護送出京。免其驚痛。意愛日之誠。殆有須臾不忍離膝下者乎。



王忠端傳

公諱家彥號尊五福建莆田人也為人高視濶步有大志不拘小節與人譚義俠事輒心向往謂丈夫自期待應如漢伏波將軍居恒不忘馬革裹尸齷齪者無庸也天啓中辛酉壬戌聯舉鄉會筮仕開化縣尹下車召諸父老謂曰昔人以刺史縣令為親民官所關利病不細吾承天子命令茲土期與若等更始若等其敬聽令言毋徒驕蹇取戾眾曰諾一年取利民者行之其有不便輒為釐之民無遠近不謀而同

曰神君哉甲子分省試矢必得人爲天子報入闈歎  
曰魚目溷投夜光莫辨瓊瑤似玉碧盧難名雖然顧  
鑒澄何如耳比撤棘獨公所得士稱知名乙丑調蘭  
谿有惠政一如其令開化者最聞擢省中彈擊無所  
避權貴歛手尤留意亂本謂皆貪墨守令腹削民膏  
不得衣食致良民盡走爲盜因上疏曰臣見秦晉之  
間饑民相煽過都越境千百成群原其始末有不從  
一鄉一邑起者使當時爲守令者早爲之所取周官  
一荒政一二行之亦未必潰裂四出一至此也論

者以此實功令使然催科急者考卓異督責嚴者稱  
循良坐是不肖而墨者以束濕濟其饕餮一二賢明  
之吏又爲文法所縛不得展布雖有召杜無從撫字  
卽當鄭俠未敢繪圖秦晉之禍大率繇此今四方非  
無事也三楚揭竿已有其形闔越弄兵且明見告儆  
及今不爲早計不出五年必至爲秦晉續唯陛下  
少寬文網俾得展布四體一意撫綏詩曰不競不綵  
敷政優優此之謂也如是而猶有不寤承宣致萑苻  
勿戢者卽執守令治以養寇之罪其亦何辭疏出天



下以爲典。平梁肉。救亂藥石。率無過此。公居言路十  
年。封事百餘上。大抵皆闕切利弊。禪補生民。庚辰。晉  
大理丞。踰年。從左少卿。遷太僕。又踰年。擢少司徒。尋  
拜右司馬。協理京營戎政。時國事陷壞。無復可爲。譬  
猶錮疾之人。扁鵲倉公。不能療之。立起。然公蒞任。補  
救不遺。餘策甲申。賊逼京師。公守安定門。督戰甚力。  
不幸城陷。賊大擁入。或有風。公亡者。公正色叱曰。國  
破身死。吾何足惜。但士上存亡。不可知。恨不追隨  
乘輿觸死。輦前贖臣子。萬一之幸。耳。言畢。北負甲首  
以謝。先帝復南向。叩首以謝。父母遂自經死。僕四  
人扶公襯歸。道遇賊。得禍尤烈。弘光初。贈公太子少  
保。謚忠端。祀旌忠祠。

論曰。國事之壞。半繇良民盡走。爲盜。然驅之在墨吏。  
公自爲令。至言官。鯁鯁慮此。使在廷。早見盡如公賊  
禍之酷。豈至是哉。履霜不戒。尋至堅冰。悲夫。

汪文烈傳

附配歌氏

公名偉字源長南直上元人也少英俊中崇禎戊辰  
進士謁選授知慈谿縣縣故岩邑公以廉平清靜治  
之政聲大著時烈皇帝念邦家多難木天片席當  
預儲敷歷中外安攘文武之才爲異日綸扉揆席地  
乃詔擇縣令司理治行卓絕者試其甲乙入直金華  
公名在高等補翰林院簡討時人有登仙之美公獨  
思仰報天子拔擢與爲國掄才破格用人至意益摩  
厲洗濯留心經濟未幾流寇破荆襄南都日虞震隣



公上憂宗社下念桑梓上江防綢繆疏大畧謂留都城週百二十里無守城之法止有守江之法賊自北而來則淮爲之防賊自上而下則九江爲之防故禦淮卽以禦江而守九江卽以守金陵今淮上有督撫史可法屹然長淮保障矣九江一郡當江漢之衝嘗以地形考之武昌藩蔽九江九江藩蔽太平太平藩蔽金陵宜有重臣駐節武昌九江則設立督撫而太平采石命南京兵部侍郎一員建牙於此作聲援而章整壘武操臣宜駐師新江口文操臣宜往來巡練

江北浦口江面頗狹一葦可航制亦宜如采石以兵部侍郎分守城中之守雖有軍士粗具名目難恃無恐大司馬名爲參贊於百姓尊而不親所應亟補府尹府丞之官重其權久其任以聯百萬士民之心如御史詹爾選葉樹聲郭維經成勇巡撫袁繼咸方孔昭清真端亮皆不二心之臣應擢卿貳以備江上督撫之選或酌資俸以備府尹府丞之用必能實心任事漸有成功疏入報聞癸未分較會試得顧咸建冠本房人以爲允十七年三月賊陷京城公與繼室耿



氏○誓○死○殉○國○手○書○貽○子○孝○廉○觀○告○以○自○靖○之○志○引○鄉  
 先○輩○趙○昂○發○夫○婦○為○比○戒○觀○當○以○忠○孝○自○勉○勿○辱○先  
 人○且○以○老○母○不○能○終○養○先○懽○不○能○拜○掃○為○囑○遂○自○題  
 壁○曰○身○不○可○辱○志○不○可○降○夫○婦○同○死○節○義○成○雙○從○容  
 對○縊○始○公○居○右○位○既○而○曰○據○禮○宜○男○左○女○右○不○可○以  
 倉○卒○越○禮○遂○易○位○就○縊○而○死○人○比○之○結○纓○易○簣○云○南  
 都○贈○詹○事○府○少○詹○事○謚○文○烈○耿○氏○贈○恭○人○竝○祀○旌○忠  
 祠○觀○清○脩○潔○操○能○繼○父○風  
 論○曰○唐○宋○取○士○首○重○制○科○苟○不○登○是○選○雖○方○州○將○相

不○稱○榮○遇○明○庶○常○之○拔○與○之○相○類○但○制○科○妙○簡○於○歷  
 任○之○後○故○文○學○政○事○蓋○有○兼○隆○庶○常○則○釋○褐○受○職○石  
 渠○天○祿○未○免○徒○以○雕○龍○繡○虎○之○業○相○目○三○百○年○曠○制  
 至○先○帝○始○復○公○實○膺○其○選○可○不○謂○殊○恩○乎○及○銅○駝  
 荆○棘○館○僚○自○外○入○者○爭○匍○伏○屈○膝○不○暇○非○公○仗○節○死  
 義○几○何○不○笑○先○帝○此○舉○為○多○事○哉○典○以○一○人○重○信  
 夫



吳忠節傳

附陳純德

公諱甘來字和受號葦庵江西新昌人也少穎卓甫  
 就塾即能盡識雲臺二十八將姓氏長益博綜羣書  
 與議論証據今古出入經史百家諸子若數家瓊弱  
 冠舉于鄉戊辰成進士與汪公偉同出香山何公吾  
 騶門初授中書壬申擢入刑科居歲餘封事凡數十  
 上悉關國是君德人材民命之大意有不可輒力諍  
 雖權貴人不避輦下嘖嘖稱真諫議時大司農畢自  
 嚴註誤下詔獄道路咸不平然當事輒無敢出一言

爲訟寃者公言昌言于朝曰漢臣賈誼有云簾遠地則堂高簾近地則堂卑三公之貴天子已改容禮之不宜復加繅繅古者刑不上大夫所以豫遠不敬也又谷永日記人之功忘人之過宜爲君者也犬馬有勞于人尚加帷蓋之賜况國之功臣哉今畢公于六卿首膺宮銜又尚握計務籌畫儲精已閱六載比之律例應在議貴議勤力爲申救語大剴切未幾讀禮歸越三年復補前職已卯拜命典閩試入闈焚香顯天願得一二奇才如文成忠肅者爲國家股肱心膂聿奏泰寧比榜發得士彬彬稱盛如何公家駒陳公亨俱名雋後蒞吳著政聲云未幾請告癸未起兵科左旋掌戶科時中外多故荆襄數郡賊未至而撫道諸臣率稱護藩以去公撫膺痛哭曰是借題遜遁也盡若此則皇上之城社人民誰捍禦者因抗章謂天子衆建親親將使藩屏帝室猝有緩急捐私倡義爲朝廷守詩曰宗子維城此之謂也今風鶴纒傳一朝委去上之不能設奇振旅圖殲掃之功次之不能仗劔登陴効死守之義先去以爲民望而諸臣猶曉



曉擁衛自功。修練儲備。明旨謂何。今天潢綉錯。所在  
嬰區。若悉借護藩。爲掩罪地。將維城爲可留。可去之  
人。卽名都亦可守。可去之士。將來功罪不著。賞罰不  
明。莫此爲甚。惟陛下留意。疏入。上大嘉嘆。未幾  
分較禮闈。人或爲公得士。賀而公蒿目時艱。不以桃  
李盈門。故色喜也。甲申春。逆寇逼京。公顧其弟泰來  
曰。勿爲侍從。義不可辱。成仁取義。願在勉之。泰來別  
去。及城陷。聞帝凶問。公獨沐浴。惟有自殺。南都  
贈公太常寺卿。錄一子。予祭葬。謚或謂公宜脫身潛

潛遁者。公曰。今不能調兵殺賊。顧欲苟全。求活。耶。遂  
作書。以後事托其兄弟。簡凡上有疏草在。曰。留此。恐  
彰君過。取火焚之。見于宗儀。奔至相與慟哭。曰。我不  
死。無以見志。汝父死。無以終養。古者兄弟同難。必存  
其一。使皇上在。則土木袁彬。遜國程濟。皆可爲也。  
至。則求真人于赤水。起斟鄩于有吳。我雖死。猶生也。  
遂冠帶北向拜者五。南向拜者四。賦絕命詞一章。引  
佩帶自縊。死南都。贈公太常寺卿。謚忠節。同時又有  
左副都御史施邦曜。字四明。人聞變。慟哭題詞。



于凡有愧無半策。匡時難，惟有微軀報主恩之句。遂自縊。尋爲什救醒。邦耀叱曰：若知大義，何久留我？乃更飲藥而卒。贈左都御史諡忠介。御史陳純德字靜生，零陵人。進士，奉差督學順天，以遵化警不能前，遂回京城。陷，自縊死。贈太僕寺少卿諡恭節。御史趙譔字鎮所，昆明人。舉人，巡視中城，捕賊謀殺之。城陷，賊獲譔，譔瞋目大罵賊，怒，刀杖齊下，殺于白帽衛衛候。知府周之茂字松如，麻城人。進士，爲賊搜去，迫死。不屈。遭挺擊折臂死。工部主事王鍾彥，華亭人。舉人。

長班趨。鍾彥閉戶自殺。賊棄戶溝中。中書舍人宋天顯，華亭人。監生。賊令草偽詔，天顯嫚罵，不屈。鵬塔而死。又給事中彭瑄字予白，永川人。進士。賊脅降，不從。自刎死。給事中顧鉉號青城，成都人。進士。初自刎，未絕，復被執，毒拷罵賊死。戶部郎中徐有聲罵賊，支解死。御史俞志虞字華隣，新昌人。進士。不屈死。論曰：予論次死難諸公，若吳忠節之從容就義，施忠介之慷慨殉節，陳恭節之返旆還京，皆其表表最著。人無間言者矣。至趙御史，則傳自崑山楊明府永言。



而周王數公考其死亦甚確若彭若顧若徐若俞皆  
京職而都中所記諸忠何以胥失名姓豈旅次未詳  
遂無載耶凡記死難必核曰核地而後無訛不狀抑  
忠爲逆區存不敢獎逆爲忠亦有不甘大抵當時有  
此一被囚執拷而痛罵而刑死卽不可稱忠烈狀較  
之請首乞憐寧○葬粉而不欲一字觸忤者則有聞  
矣○如曰公者雖謂之死難可也

成忠毅傳

附父文桂等

公諱德字玄升北直懷柔人也少倣儻有大志以忠  
孝自負爲諸生時璫焰熾嘗讀文文肅公擊奸疏輒  
斫几狂叫心儀而足躡之崇禎辛未成進士初令淄  
陽有廉能聲尋以科餉得罪大吏被逮復抗疏論列  
奸輔溫體仁罪狀直聲震天受杖者三下詔獄謫戍  
榆陽懸贖六千七百有奇當是時烽火逼懷柔公父  
文桂罵敵死公妹及妾童氏蕭氏自經歿妻劉氏并  
女以徵贖困死公在戍藉七年癸未冬赦罪補令如

臯公又疏請輸家助國兼陳有司掊尅之爲民害甚  
有賣王鹽以充私橐徵站銀以飽慾谿者言大剗切  
未幾擢兵部主事痛心時事以幼子夢來托同門友  
王重誓以身殉旣受事益究心戎略爲國家桑土計  
顧陰雨旣臨綢繆無及甲申三月逆闖入都馳書馬  
文忠公相約必死以慷慨從容二義爲盾繼聞先  
帝凶問卽操鷄哭奠梓宮前大呼皇上數四叩首  
觸階而死母張氏亦就縊南都贈公大理寺卿謚忠  
毅祀旌忠祠

論曰一夫抗節古猶稱之予觀成氏中閨後寔赴死  
如飴無復兒女子流連狀真巾幗而鬚眉者哉乃若  
公之始爲循吏繼爲拂士終且爲忠臣爲良友斯固  
義炳丹青名垂竹帛前史以爲美談後來仰其徽烈  
者○也○然○非○是○父○鮮○舉○是○子○孰○謂○醴○泉○無○源○而○芝○草○無○  
根○也○哉○



丘大學士傳

附子之陶

公名瑜號鞠懷宜城人○中○天○啟○乙○丑○進○士○歷○官○至○禮○部○左○侍○郎○為○東○閣○大○學○士○甲○申○三○月○賊○偏○京○城○十○八○日○夜○集○議○朝○房○漏○四○下○回○寓○呼○其○子○之○敦○曰○事○急○矣○汝○自○為○計○吾○將○從○事○于○奉○先○殿○敦○請○故○公○曰○今○日○召○對○帝○言○大○家○在○奉○先○殿○完○事○因○覓○黃○絹○一○方○袖○之○黎○明○入○朝○見○宮○人○狂○出○詢○駕○不○知○所○在○而○賊○馬○已○遍○城○矣○公○走○鐵○匠○衙○遇○友○人○胡○季○宣○延○之○入○欲○自○經○不○得○際○日○午○之○敦○至○公○曰○吾○死○矣○我○不○過○做○幾○篇○文○字○

得高第食厚祿。世亂既不能匡。君危又不能救。是天  
地間罪人。死後當露置。平子門外。以爲人臣尸位。素  
殮者。戒不必歸葬也。敦悲泣。公曰。勿泣。人生百年亦  
死。若得其正死。猶生也。語云。寒疾不汗五日而死。設  
去年染疫不死乎。汝當讀書。讀書以明道。要識綱常  
兩字。如汝弟從賊偷生。非吾子也。蓋公次子之陶于  
于午爲曹賊羅汝才所獲。羈之營中。後又歸闖。尋以  
自成出與孫傳庭迎敵。之陶竊其令箭以逃。竟穿營  
走出。將渡黃河。盤獲見闖。陶罵不絕聲。賊怒剛之時。

賊屯河南嵩縣。事公尚不知。故責其偷生。云。尋命敦  
別去。欲俟靜夜投繯。抵暮長班引賊入胡室。執公行  
道。遇敦。公袖出絕命詞一紙授之。前有詩云。百歲春  
光強半過。動時力短愧。鳴珂詩書萬卷都無用。惟有  
先賢正氣歌。後云天崩地拆。我輩讀書明道。豈能苟  
且求活。一月綸扉廿年玉署。雖事柄不繇。已操而大  
義安可不立。畢命投繯。暢狀無憾。我兒勉旃。忠孝勿  
爲過傷。長途孤櫬。勢難自達。到處青山可埋吾骨。何  
必故鄉等語。是夜賊擁至窩舖。用兩賊幫宿。公欲求



死不得尋執見劉宗敏偏勒助餉百方毒辱賊押歸  
寓乘間服冰片而死子之敦純孝有聞今流寓湖州  
論曰世之訾丘公者以其遲死被刑耳惟是遺筆在  
未執之前被執卽城破之日事與願違尤當曲諒若  
丘公者余謂縱不得與吳橋比烈較之并研通州輩  
似難同日而語而世顧苛求之可歎

魏庶常傳

公名學濂字子一浙江嘉善人忠節公大中之仲子  
孝子學泚弟也忠節公遭璫禍死學泚以身殉崇禎  
初元公徒步入都伏闕訟寃又瀝血上疏劾阮大鍼  
傅樾交通逆奄實殺諸賢請論如法天子改容卹贈  
有加并抵大鍼樾罪公念受國厚恩又天下多事思  
以功名顯益究心天文地理兵農禮樂刑律之要異  
一旦得効馳驅爲報塞地壬午舉于鄉癸未成進士  
授庶吉士時賊破秦晉京師戒嚴濂與同官吳爾壘

樞曹成德等○日夜涕泣○謀所以捍禦策○時上日一召  
對○公力請東宮或二王往鎮南服○又言當糾合畿輔  
義士○爲勤王師○而編修陳名夏○曉暢兵事○且習于山  
左右豪傑○宜假以事權○令出都號召先帝趨之○會朝  
議未定○而賊勢日迫○公乃遣間使走容城○與孝廉孫  
奇逢等約○聯絡忠勇○赴難計已定○未報而賊薄城下○  
二日城陷○公出遇陳名夏○吳爾壘○方以智于金水橋○  
上曰○我○儕○圖○一○死○所○以○報○先○帝○公○曰○死○易○爾○顧○事○有  
可爲者○我○不○以○有○用○之○身○輕○一○擲○也○因言東宮二王

與在○而真保定間義旅○且暮且至○獨不能少忍須臾  
待之耶○既而東宮二王爲賊所廉○得挾之出○或傳遇  
害于永平○先所約奇逢等○故遲遲失其期○同事者或  
拉之還南○公乃嗚咽起立曰○所以不死者○欲以有爲  
也○今已矣○濂義不憚一死○以報命九京○夫濂寧不知  
靡衣媮食之可以苟活乎○今其勢非不能南○顧先帝  
業殉社稷○身爲侍從之臣○而不獲以身從在天之靈○  
寧爾道也○卽不然而先父兄而有知方談笑俟于地○  
下濂所不能以素棺白旛附厠先塋之側者○又焉能



冲○顏○醜○息○重○執○爵○而○酬○家○廟○之○前○也○且○賊○旣○肆○焉○而  
謀○篡○則○必○將○勒○薦○紳○爲○朝○賀○而○忍○復○北○面○乎○行○矣○自  
愛○爲○謝○故○人○考○叔○有○母○彥○升○有○兒○固○後○死○者○責○也○因  
爲○絕○命○詩○曰○忠○孝○千○古○事○於○我○只○家○風○一○死○輕○鴻○毛○  
臨○難○須○從○容○有○血○麗○微○軀○官○卑○非○侍○中○有○舌○且○存○之○  
并○遜○常○山○公○因○約○同○志○友○延○頸○受○霜○鋒○不○能○張○空○券○  
與○彼○爭○雌○雄○不○能○奉○龍○種○再○造○成○奇○功○死○且○有○餘○罪○  
何○收○言○丹○忠○所○痛○毋○垂○白○七○十○仍○尸○喪○未○葬○几○五○喪○  
留○與○子○臣○封○人○生○誰○百○年○壽○歿○死○所○同○我○比○兒○與○弟○

我○年○爲○獨○豐○高○堂○無○復○悲○譬○不○生○阿○儂○辭○毋○却○就○父○  
生○死○猶○西○東○骸○骨○雖○不○歸○卽○瘞○此○詩○筒○墓○木○有○拱○時○  
清○韻○入○楸○松○又○口○始○聞○天○子○且○山○亡○繼○云○亡○□○放○還○  
鄉○旣○望○義○旗○起○四○方○三○者○於○今○皆○已○矣○當○死○不○死○真○  
羞○惶○幾○家○闔○門○自○焚○死○幾○人○投○纆○從○天○子○王○章○不○屈○  
礪○城○樓○金○鉉○躍○入○御○溝○水○街○頭○男○女○不○讀○書○西○城○井○  
中○何○累○累○耳○聞○眼○見○美○殺○人○美○人○不○已○還○自○喚○死○忠○  
死○孝○家○嘗○事○我○竟○不○死○將○誰○臣○君○亡○國○破○雖○易○代○正○  
統○日○月○虛○懸○在○待○彼○篡○位○我○死○之○我○死○固○晚○免○下○拜○



但恨有書報老親云兒不死休酸辛兒今羞惶活不  
得爲孃愛此全歸身又貽書付子諄諄以子孫非甲  
申以後生者雖令讀書但期精通理義不得仕宦爲  
言書畢自縊死公爲人豁達多大畧慷慨好義性至  
孝感忠節公詔獄之慘終身布素習以爲常毋病幾  
殆爲割臂肉和藥以進乃瘳談次或及義烈事輒爲  
流涕平生嫉惡如仇至不忍見見亦不能容居鄉閉  
門掃軌非公事不與聞值荒歲倡議出粟減價平糶  
賴以存活甚衆又爲道殣給鞋著月躬至貧乏及病

疫者家慰問之不以爲憚也子三允枚允札允桓皆  
負才英犖無忝忠孝家風云

論曰論人于死生之際亦難矣哉甲申之難有欲死  
而卽死者范文貞倪文正數先生名垂日月節炳丹  
青允矣至已死而不死者方簡討密之龔給諫孝升  
呂中翰霖生楊修撰冰如熊文選雪堂陳編修百史  
之數公者君子猶當諒其志焉若夫遲死而竟死後  
先無間忠孝同揆惟公一人而已乃好事者猶以後  
死爲口實善乎文學曹君爾坊之論曰結連豪傑意



在報韓隱忍圖存。冀翼皇嗣。至必死而未死。可歸而不歸。人臣處此。亦極難耳。卒以立孤。勿克感憤。自經。雖不成程嬰存趙之功。庶無忝姜維復漢之節。其言切而痛矣。余故特表之。爲能死者勸。而并以見吳兒好詆舌劍。唇鎗不顧人禍。天刑之隨其後也。

吳成都傳

附子孫慈等

公名繼善。字志衍。南直太倉人也。中崇禎丁丑進士。授慈谿知縣。丁母艱。未之任。壬午。服闋。補成都。成都。在萬里外。時荆襄陷沒。江鄂道斷。賓客逡巡。勸少留。公謂此君命也。人臣守官。其敢以利害辭。乃歷艱險。入蜀。卽日啟蜀王。請發帑金爲備禦計。當時蜀事已棘。而藩府金繒積者數百萬。王恹不應。公貽書吳太史。偉業謂事必不可爲。誓必死于此。甲申。城陷。公被賊執。罵不絕口。嚙而割之。配周氏子孫慈。俱同殉。僕

五郎者幸免矣。奮曰：吾主與主母已死，義不忍獨生。亦慷慨罵詈盡于主側。一門死者四十餘人。時十一月二十五日也。公博聞辨智，風流警速，于書一覽輒記。下筆灑灑數千言。家本春秋治三傳通史，漢諸大。繼又出入齊梁工詩歌，善尺牘，尤愛圖繪。有元人風下，至樛蒲六博，彈琴蹴鞠，無不畢解。當是時，張公溥以古學振東南，海內文士絡繹奔赴。公性好客，日具數人饌，賓至如歸。每三爵後，詞辨鋒起，雜以諧謔。輒屈其坐，與同宗偉業、克孝、國杰等以文行相砥礪。

生平負志節，急人患難，其成進士也。會里中兒刑章告密，溥爲所構，勢張甚。公獨銳身爲營救，卒以免。家居侍太公疾，視湯藥，浣厠，衣不解帶者數十日。父既歿，哭泣喪葬，備物盡志。人稱曰：孝事長兄，待二弟友，無間言。伉爽曠達，不拘小節。嘗遊黃山，凌絕頂，慨然長嘯，謂：今天下將亂，大丈夫習勞苦，任艱難，爲國家驅馳奔走，有如此遊矣。其銳志強濟如此。公死無子，國杰經紀其喪，以少子主其祀。論曰：當燕京既沒，聞先生痛哭上書，卽藩邸亦心動。



而文武大吏無一人肯辦賊。劍門夔峽之險皆已失。守而後驅數千之卒阻五丈之城。以當百萬之強寇。雖智勇無所施矣。設令公護親藩。竄山谷。屏迹蠻獠。間亦可圖全。而公顧喋血自誓。與此城爲存亡。終至骨肉菹醢。妻兒橫分。以報所受。豈不難哉。

陳巡撫傳

附王行儉等

公諱士奇。字平人。福建漳浦人也。誕自庚寅。少讀騷。庚寅吾以降。曰我生定之矣。勒其言以自表。方弱冠。有文名。成天啟乙丑進士。授中書。假歸。庚午遷禮部主事。壬申陞粵西督學使。單車就道。僕被蕭然。遭父喪。歸甲戌。補重慶兵備。明年轉貴州提學。復丁內艱。庚辰起。贛州兵備。贛故膩地。公一塵不染。而石城寧化二邑之頑獷。構訟十年。公至訊劈之。遂成虞芮。贛人立祠祀之。辛巳督學四川。驅車日。卽矢諸神明。有

云寧剗吾身上肉毋塞彼寒士門謝絕竿牘得士最  
盛時有學憲廣文之謠壬午七月特擢僉都御史巡  
撫四川公念時事交訌天子焦勞食無兼味行無俱  
帳門無私覲而一意繕城治具以備不虞冬十月松  
藩邊兵以索餉叛聚眾數萬莫之敢撓公嚴詞正色  
諭以禍福眾皆就撫時蜀中徭黃賊盤踞有年蠢動  
川之東北公先後與道臣陳公其赤葛公徵奇郡守  
王公行儉巴令王公錫營將趙榮貴等凡殺賊于重  
慶于順慶于定遠設奇夾勦大獲全勝斬首凡一千

七百有餘級生擒賊魁馬超一斗麻代天王等二十  
餘人所救難民以數萬計徭黃膽喪奔脫他徙相戒  
謂陳撫軍勿可犯其爲敵憚如此土寇彭長庚等聚  
眾殺令公設計捕殺之得其渠魁數百人置之法而  
岷江洪雅聚眾殺尉尉固貪墨致變公謂罪不在民  
遣將往諭兩縣民皆就縛請死公斬其倡首者而餘  
得全活又蜀素苦白蓮邪教公以若輩尚不寄人籬  
下急之適驅虎歸山耳遣將趙榮忠以牛酒招之其  
黨遂散癸未十二月有旨召公別衙門用而推代無



人○加○以○闖○賊○破○陝○隣○封○岌○岌○漢○中○瑞○王○避○亂○入○蜀○鎮○  
將○趙○光○遠○者○跋○扈○將○軍○也○挾○兵○二○萬○餘○爲○衛○弁○秦○民○  
逃○奔○者○又○數○萬○突○至○保○寧○蜀○省○大○震○公○不○憚○千○里○單○  
騎○赴○保○寧○而○鎮○兵○驕○悍○視○蜀○爲○弱○肉○欲○得○餉○而○蠶○食○  
之○公○大○聲○呼○曰○兵○以○禦○暴○退○守○平○陽○關○以○爲○吾○捍○衛○  
方○宜○饗○食○吾○不○惜○二○萬○金○以○給○之○若○徒○頓○此○以○洶○風○  
鶴○則○吾○頭○可○斷○餉○亦○安○可○得○哉○趙○知○不○可○撼○乃○退○兵○  
平○陽○而○與○瑞○藩○約○二○千○騎○入○渝○民○以○無○譁○至○甲○申○四○  
月○始○以○川○北○道○龍○文○光○推○代○公○方○作○歸○計○而○聞○京○師○  
告○變○矣○時○獻○賊○憑○陝○突○入○夔○州○公○念○國○仇○義○不○俱○十○  
遣○水○師○曾○英○以○火○攻○殺○賊○於○忠○州○擊○沉○其○舟○百○餘○號○  
賊○死○以○千○計○又○遣○趙○榮○貴○禦○賊○於○梁○山○奮○斬○三○百○餘○  
級○所○獲○騾○馬○弓○箭○無○算○賊○恨○悉○衆○來○攻○六○月○初○八○日○  
破○涪○州○或○謂○公○已○謝○事○可○去○公○不○可○據○重○慶○以○待○之○  
而○權○已○去○手○徵○石○柱○土○司○援○兵○不○至○與○守○令○歃○血○爲○  
死○守○十○七○日○賊○以○百○萬○至○城○下○公○解○行○囊○佐○軍○需○日○  
夜○登○陴○衣○不○解○帶○以○火○灌○滾○砲○擊○死○賊○無○數○民○無○逃○  
降○意○至○二○十○日○夜○黑○雲○四○布○賊○掘○地○窖○於○城○角○藏○火○

藥數十筒晨起以火箭齊射藥處火發地裂城遂陷  
賊湧入公被執獻忠好言勸降公厲聲曰吾大臣也  
恨不從先帝左右今死社稷吾願也豈有降賊之  
顏平原乎速割吾頭無他言痛罵不屈獻大志命曳  
公出支解以死忽震雷四發烈風暴雨飄瓦吹砂大  
木盡拔操刀者自相砍逆憲驚仆時遇害凡九人瑞  
王與從駕守道陳纁重慶知府王行儉巴縣知縣王  
錫新撫龍文光及諸將領事在六月二十一日越日  
賊盡取渝民斫其臂合三萬七千有餘人

論曰獻賊殺戮之慘固黃巢後所未有也獨是公以  
謝事之巡撫守必陷之危疆蓋其忠義性成自讀騷  
時已定之矣豈有降賊之顏平原乎哉言乎凡登朝  
食祿者曷不共聞之也



方集秀



